

۱ ۲ ۳ . ◻ ◻) ◻ ۶ ~~~~~

واللہ یہدی من یشاء الی صراط مستقیم

ذیحی، علمی، ادبی، سیاحی ہفتہ لک مجموعہ اسلامیہ در

صاحب و مدیر مسئول : ح . اشرف ادیب

جلد ۱ - ۸

۱۸ شعبان ۱۳۳۰ پنجشنبه ۱۹ تموز ۱۳۲۸

٢٠٤ - ٢٢ دد

تکدير الهی به استحقاقده بر بری نولدين ، وطنلری اعدایه ترك ایدوب قاچان هر قوم مساویدر .

برده خبر طرزنده شرفورود ایدن (لائسکون) و (لائخرجون) صیغ منفیه سی حقیقتده نهی معناسی متضمندر . نهی ده تحریمیدر . قتل نفسک حرمت عظیمه سی بدیهیدر . هله ترك وطن کی عمومی بر فلاکت مدهشیه آوچ آچق ، فتنه لر اوایدیرمق ، شقاق و نقاقلر ایجاد ایتک جنایات دینه نك الك بویوکلرندن در . قواعد اصولیه دندر : فرضك ضدی - استلزاماً - حرام ؛ حرامك ضدی ده - استلزاماً - فرضدر . مثلاً : قتل نفس حرام ؛ بوجنایات عظیمه دن اجتناب فرضدر . ترك وطن حرام ؛ حفظ وطن فرضدر . فرض اولسه تركی حرام ولماق لازمکیر . حالبوکه تركی حرام . اولیه ایسه حظی کمال اهمیتله فرضدر .

شو حالده « ولاتخرجوا » صیغه ناهیه سی استلزاماً وطنه محبتک وجوبنه - یعنی فرض اولدیغنه - دلالت ایدر . ایشته « حب الوطن من الايمان » حدیث شریفك صحتنه شو دلیل قرآنی کافیدر .

ولی التعمت جهان انسانیت ، خواجه درسخانه مدینت علیه الصلاة والسلام « افندیمز حضرتلری مکه مکرمه دن هجرته مأمور اولدقلری . کون حرم شریفی تشریف بویوریورلر . بیت الهی به نظر تأثرله باقاراق شو حزن انکیز خطاب ایله راسمه وداعی ایفا ایدیورلر : « والله ! انك لاحب ارض الله الى وانك لاحب ارض الله الى الله . ولولا ان اهلك اخرجونی ماخرجت منك - ای کبه معظمه ! اسم اعظم الهی به قسم ایدرم ، که سن بکا السه وکیلی بر خاک مبارک ومقدسك . چونکه سن یر یوزنده اللهه الك سه وکیلی بر مقام محترممسك . اگر سفهاء قریش بنی هجرته مجبور ایتمه مش اولایدی سندن بر لحظه آیرماز ، سنك آغوشکدن باشقا بریده ساکن اولمازدم . شمدیلک الوداع ای مقدس وطن ! - مواهب لدنیه . للقسطلانی . سنن ترمذی . مسند امام احمد . »

آه .. ! نه آجیقلی ، نه دلسوزوداع پیامبری « علیه الصلاة والسلام » . آردن تام بیک اوچیوز سنه کچمش ایکن ینه هر جوهر حرفی برر شراره اولوب روحه یایشیور ، چایر چایر یاقیور . بو علوی خطابه وداع اوروح اقدسك نه بویوک بروطن محبتله متحسس اولدیغنه شاهد ابدیدر .

وحی الهینك ایلک تجلیسکاهی اولقله بختیار جبل حرادن فرمان جلیل قراءتک مهابت جلالیه خاشعاً عودت وجناب خدیجه الکبری « علی زوجها وعلیها افضل الصلوات واکمل التحیات واجمل التسلیات » والدۀ محترمه مزله ورقه بنی نوفلی لطفاً زیارت بویورمشلردی . او جناب حقک انوار علویتدن مخلوق مادر عصمت پناهمز ، او ملک خصلت آنامز سوزی آچدی ، ورقه کمال اعتنا ایله دیکلدی ، بویوک بر مسرتله : « خاکپاکیزه یوز سورن جبریلدر . حضرت موسایه نازل

معاملاتنده عدالتی دستور حرکت طانیایان ملتلر ایچون یانامق احتمالی یوقدر . « مملکت قلیبیج ایله آلینیر ؛ لکن عدالت ایله تحافظه اولنور . » سوزینی تیمورلنک کی ظالم بر جهانکیرک آغزندن ایشتمک نه بویوک عبرتدر !

أوت ، ایشه کوره آدم بولمالی ؛ آدمه کوره ایش ویرملی . زیرا نه قدر مشکل اولورسه اولسه ون ، بروظیفه تصور ایدیه مزکه ، اهلی آراسین ده بولونماسین ؛ کذلک قابلیت نه درجه لرده دون بولونورسه بولونسون ، هیچ بر آدم کوستریله مزکه ، اونک ده کوره بیله جکی برایش موجود اولماسین . نه یالکز عزیمک بویوکلکی هر مسئله نك حلنه کافیدر ؛ نه ده قابلیتک کوچوکلکی بوسبوتون اهالتی متضیدر .

بزده بر کره افراد مسلکنی کندی استعداد فطریسه کوره تعیین ایده مز . چونکه مسلک انتخابی مسئله سنك کړک شخصی ، کړک ملتی ایچون حیات ممات مسئله سی اولدیغنی پک کچ اوکره نیر . تأسف اولنورکه افرادی تمثیل ایدن حکومت ده اموری توزیع ایدر کن عینی کریومه دوشویور . یوقاریدن بری سوبله نن سوزلر غایت بسیط برطاقم حقیقتلردر . بزبونی اعتراف ایدرز . شو قدر وارکه بزدن اول چوکوب کیدن ملتلر هپ بوکی بسیط حقیقتلرک قربان ذهولی اولمشلردر !

محمد عاکف

بسم الله الرحمن الرحيم

وَإِذَا اخَذْنَا مِيثَاقَكُمْ لَآتْسِفُكُمْ دِمَاءُكُمْ وَلَا تَخْرُجُونَ أَنْفُسَكُمْ مِنْ دِيَارِكُمْ ثُمَّ أَقْرَرْتُمْ وَأَنْتُمْ تُشْهِدُونَ .

ترجمه مأل منیفی

« در خاطر ایدیکز - ای بنی اسرائیل ! - اوزمانی ، که سزدن ، بر بریکزک قاتنی دوکه مک وکندی نوز الریکزله کندیکزی وطنکزدن چیقارماق اوزره ، عهد ویمان آلدق ؛ سزده بوکا راضی اولدیکز ؛ ویردیککز سوزده ثبات ایدم جککگز ، عهد شکنکک ایتیه جککگز یکدیگر یکزی شاهد طوتدیکگز . » سورة جلیله بقره .

خطاب الهی عصر مسعود جناب رسالتپناهیده کی « علیه الصلاة والسلام » علمای یهوده در . حادثه عهد و میثاق ایسه حضرت موسی « علیه الصلاة والسلام » حضرتلرینک زمان نبوتلرنده وقوعبولشدر . اسلوب بیان توبیخ و تکدیره شدت ویرمک ایچین - اخلاقی اسلاف مقامنه اقامه ایتک صورتیه - تبدیل بویورلمشدر . کلام الهیده مجاز - بذق واردر . تقریری : « وَإِذَا اخَذْنَا مِيثَاقَ آبَاءِكُمْ . . . الایه » در . بواسلوب بیان علمای بلاغتجه مشهور وپک مقبولدر .

بونظم جلیلک سبب نزولی خاص ایسه ده حکمی طامدر . زیرا اعتبار ، نظمک عمومیتنه در . سببک خصوصیتنه دکل . بناءً علیه بو

اولان ناموس ا کبردر « دیه رتبه علیای رسالتی تیشیر و تبریک
ایندی . فقط برلسان تأثرله : « لیتی اکون حیا ان یخرجک قومک ! —
سفهاء مکة ذات قدسیت صفاتکیزی مجبور هجرت ایده جکی کون
نه اولسه ده حیاته یولونسهم ! سزه جانله باشمله خدمت و معاونت
ایدردم . « دینچه اوسلطان کشور عصمت و رسالت « علیه الصلاة
والسلام » افدیمز « او مخرجی هم ؟! — وای ! اونلر بنی سه وکیلی
وطنمدن مجبو هجرت ایده جکرمی ؟ — بخاری : کتاب بدء الوحی «
استفهام انکاری و استبعادیسه بیان حیرت بو یوردیلر . بوجهه جلیه نک
احتوا ایندیکی تأثر و تأسف پیامبری « علیه الصلاة والسلام » نک
درجه سی تقدیر اولونسون !
اللهم اجمع شملنا و الف قلوبنا و اجعلنا متحدين کالبنیان المرصوص
یشد بعضنا بعضاً آمین !

محمد فخرالدین

الکیمیای

سلیمانیه کرسیسنده [۱]

برده استانبوله کلدیم که : بوتون چارشی بازار
نرمه دن چالقانیور ! او یله یا .. حریت وار !
غلیان کلدیمی ، منطق صاووشورمش .. طوغری :
واردی عقلندن او کون هر کیمی کوردمه زوری .
کیمسه فرقه ده دکل ، آکلاشیلان ، یابدیغنک ؛
قفالر توتسولو خلیا ایله ، کوزلر قیزغین .
صانکه زنجیرده کیلر هب بوشانوب زنجیردن ،
بیقیورمش ده تیمارخانه یی چیقمش بردن !
زورنالر شهرک اهلینسی طاقش پشنه ؛
یدیسندن طوته رق تادایانک یتشنه !
الی بایراقلی آیلر یورو یور درت کچلی ؛
اک آغیر باشلیسنک برزیلی اکسیک ، بللی !
اوتیور هر طاشک اوستنده رر دیللی دودوک ؛
دیگیور قابلامش اطرافنی یوزلرجه هودوک !
کیم نه سویلرسه ، همان ال اوپوب آلقیشلانجق :
— یاشاسین !

— کیم یاشاسین ؟

— عمری اولان .

— شاق ! شاق ! شاق !

نه دواژده حکومت ؛ نه اهلیده بر ایش ؛

[۱] صراط مستقیمک ۱۸۰ نومرولی نسخه سندن مابعد

نه صنایع ، نه معارف ، نه آلیش وار ، نه ویریش .
چاملی بل صانکه شهر : ضابطه یوق ، رابطه یوق ؛
آقسه قان سل کبی ، بر دیندیره جک واسطه یوق .
« ذوق حریتی اونلر دها جوق آ کلامالی »
دیه مکتبیلرک مکتبی تکمیل قابلی !
علمی تضییق ایله تعلیم ، اوده بر استبداد ..
هایدی او یله ایسه چوجوقلر . ابدیاً آزاد !
نطقه کلش اوتیه طورسون خواجهرلر بر یاندن ..
صحنه دن صحنه یه قوشمقده بوتون شاگردان .
کور چییان نشترک آلتنده نصل باطلارسه ،
هب آغیزلر ده شیلوب ، کیمده نه جوهر وارسه ،
صاچیور اورتیه .. ایستر تمیز ، ایستر کیرلی ؛
قالیور کیمسه جکک مضمیری آرتق کیزلی ،
دالقاووق دوری دکل ! اسکی قصائد یرینه ،
ادبا کز آنا عورت سوکویور بر یرینه !
دورلو آدلرله چیقان نامتاهی غزته ،
آیریلق تخمینی بول بول آتیور مملکته .
ایت یتشدرمک ایچون طوپراغی غایت منبت
بوله رق ، فحش ا کیور صالمه کزن بر سورو ایت !
یورو یور دینه بش اون مسخره ، آلقیشلانیور ؛
نسل حاضر بونی حریت وجدان صانیور !
قادین ، ارکک قوشیور بورج ایدرک آوروپایه ..
بیله هم آسیا سنزک شیقار ایچون بکمی صاپا ؛
حقه تفویض ایله اوچ دانه یتیشمش قیزی ؛
« آنالقی علمنی او کرتمک ایچین » بالیزی
طاشییانلر بیله وار پارسه یوکسونمیه رک ..
ایش بویوک ، اجریده نسبتله عظیم اولسه کرک !
شبه سز بیقدی او خلیالری مشهوداتم ...
بن فقط کندیمی برمدت ایچون آلداتم :
غلیاندر . غلیان کلدیمی ، قالماز منطق .
صو بولانمازسه طورولماز .. هله صبر ایت آزیحق .
ای اما ، نه قدر بکله مش اولسه ک ، ایشلر
اسکیسندن دها بر باد ، ایشلمک نه کزر !
وطنک طاقی یوقدر او قدر اهماله :
طولو دیزکن کیدیور باقسه گا اضمحلاله .
ای جماعت ، او یانیک ، الویرر آرتق اویقو !
یوقیدر سزده وطن نامه هیچ بر دویغو ؟
دوشمه دن نجه خذلانه استقبالك ،
بیلیکن قدرینی حریتک ، استقلالک .